

Årsmelding O-gruppa 2024

Oppsummering



Bilete 1 Fjord-o i Furedalen 6.-7. juli vart ein suksess.
Foto: Jonatan Drake

Det store løftet for o-gruppa i 2024 var Fjord-o som me arrangerte saman med Varegg på Kvamskogen. Løpa vart ein suksess med ca. 500 deltakarar frå inn og utland. Arrangementet gjekk knirkefritt med god innsats i alle ledd, og me o-gruppa sat att med eit overskot etter 2-3 år med planlegging og jobbing.

Martin Holdhus sprang inn til 8. plass på langdistansen i Hovedløpet (uoffisielt NM) i 15-års klassen.

Stolpejakten som me arrangerer saman med Historielaget har hatt svært god oppslutning med bortimot 15 000 innsjekk og dette er eit gratis og flott folkehelseiltak for Samningar og tilreisande.

Styret

Leiar: Per Arne Aadland

Kasserar: Erik Høysæter

Tur-o: Arild Røen

Kartansvarleg: Bjarne Hauge

Det har ikkje vore formelle styremøter i 2024. Saker er løyst på e-post, telefon og uformelle møter

Verv


Det er ingen frå SIL som hadde verv i krets eller forbund i 2024.

Lokale arrangement

Dato	Løp	Deltakarar	Stad	Arrangør
10.04	O-løp 1	11	Myra	Rune
17.04	O-løp 2	18	Rødne	Oskar
01.05	O-løp 3	17	Kvernesmarka	Per Arne
08.05	O-løp 4	(16) ¹	Hagabotnane	Arild
29.05	O-løp 5	16	Totræna	Helge
12.06	O-løp 6	16	Totræna	Dag Terje
6-7.07	Fjord-o	500	Furedalen	Varegg/Samnanger
25.08	O-løp 7	16	Gullbotn	Per Arne
31.08	Kompisstafetten	17 lag	Totræna	Arild/Bjarne
04.09	O-løp 8	12	Totræna	Helge
11.09	O-løp 9	6	Myra	Rune
18.09	O-løp 10	Avlyst	-	Per Arne
29.09	SM orientering	11 ²	Kvamskogen	Per Arne

1) Resultat manglar. Estimert tal på løparar.

2) SM orientering var også ope for andre løparar, 15 utanbygds løparar deltok.



Figur 1: Utvikling lokale løp

Kretsløp

Fjord-o er eit internasjonalt løp som går over fire dagar. Løpa var eit samarbeid mellom Fana, Varegg og Samnanger, der alle klubbane bidrog i hovudkomiteen. Nokre samningar var involvert i alle løpa, men hovudarrangementa for Samnanger var helga 6.-7. juli. Då stilte ca. 500 løparar til start kvar dag, og me hadde ca. 20 arrangørar begge dagar. Søndag hadde Per Arne ansvar for løypene på mellomdistansen. Løpa vart ein suksess med vellukka gjennomføring og eit god økonomisk resultat for o-gruppa.



Bilete 2 Vakre fjell på Fjord-o på Kvamskogen. Foto Jonatan Drake

31. august arrangerte med Kompisstafetten for 50. gong, og dette er det løpet som har lengst historie i Hordaland o-krins. Bjarne tok på seg løypene i år som for 50 år sidan. Det har vore litt mindre tilpassingar av løpet, men stort sett følgjer det same lest som første stafetten, der alle lag må stille med ei blanding løparar av ulik alder og erfaring. 17 lag stilte til start (19 lag i 2023), og Fana vann føre to Varegg-lag. Beste Samnangerlag, «Høysæterlaget», med Trygve, Martin, Eivind, Frode B. og Johannes, kom på 4. plass. Det andre Samnangerlaget (Torvald, Ida Johanne, Magnus, Rune og Per Arne) kom på 9. plass.

Me arrangerte ikkje Hamla Grand Prix i år sidan me hadde mykje arbeid med Fjord-o.

Resultat

Martin har teke fleire steg oppover som o-løpar denne sesongen og sprunge jamt bra i heile år. Største prestasjonen var 8. plass og beste Hordalending på langdistansen i Hovedløpet (uoffisielt NM) i 15-års klassen. På sprintdistansen hoppa han over ein post og vart diskvalifisert.

Me fekk også nokre pallplassar i KM i 2024:

- Sprint
 - 3. Martin (H15-16)
- Mellom
 - 2. Martin (H15-16)
 - 2. Per Arne (H50)
- Lang
 - 1. Per Arne (H50)



Bilete 3 Martin har teke store steg i 2024. Her i tet ved passering arena på Kompisstafetten.
Foto PA Aadland

I Vestlandsmeisterskapen fekk Per Arne bronse i H50 både på langdistanse og mellomdistanse.

I kretsrankinga vart desse samningane plassert på øvre halvdel: i H15-16 vart Martin nr. 3 og i H50 vann Per Arne og Dag Terje vart nr. 11.

Samnangermeistrar

Damer (lang)	Ida Johanne Aadland
Herrar (lang)	Martin Holdhus

I SM opnar me også opp for løparar frå andre klubbar, og godt over halvparten av dei startande var utanbygdes løparar.

Turar

Me har ein liten, men ivrig gjeng som reiser rundt i Europa og representerer SIL på større og mindre løp. Med Rune som koordinator og frilans reporter har me fått mange artige historier og mange spanande kart og løpsanalyser på Facebook sida vår. I tillegg til Rune er det Dag Terje og Helge som har vore ivrigast på desse turane, og i år har me hatt løparar i Polen, Bulgaria, Belgia og Tyrkia.

Martin var med kretsen på samling i Portugal i februar.

Tur-orientering

I 2024 arrangerte me ikkje tur-orientering.

Stolpejakt

I samarbeid med Historielaget, la me ut 51 stolpar i Samnanger frå Tysse til Skutevika. Heile 877 ulike personar har registrert seg på stolpane i bygda, og til saman er det nærare 15 000 besøk.

Sidan Stolpejakten er ein landsdekkande, aktivitet, er ikkje alle deltakarane er samningar, men responsen er likevel god. Å delta i Stolpejakten er heilt gratis og krev veldig lite forkunnskapar. Alt foregår gjennom ein app, som du har på mobiltelefonen. Stolpane har ulik vanskegrad, men stort sett ligg dei lett tilgjengelege langs vegar/stiar. Det er med anna eit krav at mange av stolpane skal liggja slik til at dei skal kunna takast med rullestol - noko me tek omsyn til!

Annekset Bruktbutikk støtta oss med kr. 8500,- som går til innkjøp av utstyr og til avgifter til organisasjonen Stolpejakta. Me har ikkje inntekter på stolpejakta så me er avhengig av støtte frå eksterne for å gå i balanse.

Kart

Oskar re-synfarte ein del av Kvamskogen kartet i samband med Fjord-o, men elles har det berre vore gjort mindre oppdateringar på karta våre i 2024. Bjarne har arbeida digitalt med oppdateringar på kartet på Høysæter.

Økonomi

Økonomien i o-gruppa er god, og me har ein bra buffer for framtidig kartarbeid. Fjord-o gav store utslag på rekneskapen med innkjøp av både postmateriell og telt, og leige av arena i Furedalen, men også store inntekter etter at fordelinga mellom arrangørklubbane var gjort. Totalt gjekk me med eit underskot på knapt 10 000,- etter finanspostar.

*Tusen takk til alle som bidreg til o-gruppa.
Om det er som parkeringsvakt, styremedlem, kakebakar, løypeleggjar eller som løpar.
Me treng alle for å halde hjula i gong i o-gruppa.*

*Per Arne Aadland
Leiar 2024*